



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

27 նոյեմբերի 2020 թվականի №423Ա
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2016 ԹՎԱԿԱՆԻ ԴԵԿՏԵՄԲԵՐԻ 9-Ի №397Ա
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Հաշվի առնելով՝

ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2016 թվականի դեկտեմբերի 9-ի №397Ա որոշմամբ հաստատված՝ «Վեոլիա Զուր» փակ բաժնետիրական ընկերության (այսուհետ՝ Ընկերություն) խմելու ջրի մատակարարման և ջրահեռացման (կեղտաջրերի մաքրման) ծառայությունների (այսուհետ՝ Ծառայություններ) մատուցման ԼՁՆ№0001 լիցենզիայի (այսուհետ՝ Լիցենզիա) պայմանների №3 հավելվածի 16-րդ կետը, համաձայն որի բաժանորդների համար Ծառայությունների մատուցման հաշվարկային տարվա ճշգրտված և գործող գումարային սակագների տարբերությունը, Ընկերության և Հանձնաժողովի փոխադարձ համաձայնությամբ, նույն կետով նախատեսված ճշգրտումից հետո, կարող է հաշվի առնվել հաջորդ կամ հետագա տարիների սակագները հաշվարկելիս,

բ) որ Ընկերությունը 2020 թվականի նոյեմբերի 13-ի №ՄՇ/24736 գրությամբ տվել է իր համաձայնությունը՝ Հանձնաժողովի կողմից 2020 թվականի համար հաշվարկված և Հանձնաժողովի 2019 թվականի նոյեմբերի 20-ի №429Ն որոշմամբ բաժանորդների համար սահմանված Ծառայությունների գումարային սակագների տարբերությունը Լիցենզիայի պայմանների 16-րդ կետով նախատեսված ճշգրտումից հետո հաշվի առնել 2022 թվականի սակագների հաշվարկներում,

և հիմք ընդունելով «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ և 34-րդ հոդվածները՝ Հանձնաժողովը որոշում է.

1. Հանձնաժողովի 2016 թվականի դեկտեմբերի 9-ի «Վեոլիա Ջուր» փակ բաժնետիրական ընկերությանը խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման լիցենզիա տրամադրելու մասին» №397Ա որոշման 2-րդ կետով հաստատված՝ Ընկերության Ծառայությունների մատուցման Լիցենզիայի պայմանների «Սակագներ և սակագների ճշգրտումներ» №3 հավելվածի №1 աղյուսակը շարադրել նոր խմբագրությամբ՝ համաձայն հավելվածի:
2. Սույն որոշումն ուժի մեջ է մտնում 2021 թվականի հունվարի 1-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝**



Ս ԱՂԻՆՅԱՆ

ք. Երևան
27 նոյեմբերի 2020թ.

«Աղյուսակ 1.

Վարձավալության հաշվարկային տարիներ (i)

№	Անվանումներ	Նշանակումներ	Վարձավալության հաշվարկային տարիներ (i)													
			1 (2017)	2 (2018)	3 (2019)	4 (2020)	5 (2021)	6 (2022)	7 (2023)	8 (2024)	9 (2025)	10 (2026)	11 (2027)	12 (2028)	13 (2029)	14 (2030)
1.	Բազիսային մանրածախ սակագին, դրամ/մ ³	T _b	150	155	162	147	147	177	170	160	152	137	128	123	115	108
2.	Սույն հավելվածի 16-րդ կետի համաձայն որոշված՝ նախորդ հաշվարկային տարիներից i-րդ հաշվարկային տարի տեղափոխված սակագնի մեծություն, դրամ/մ ³	ΔT _i	0	0	0	0	-1.468	0	0	12.135	0	0	0	0	0	0
3.	Մանրածախ ջրամատակարարման բազիսային ծավալ, մլն մ ³	V _b	123	127	124	128	143	148	151	155	159	162	165	168	171	174
4.	Սղաճով ճշգրտվող սակագնի բաժնեմաս	ΔI _b	60%	60%	60%	60%	60%	60%	60%	60%	60%	60%	60%	60%	60%	60%
5.	Էլեկտրաէներգիայի սակագներով ճշգրտվող սակագնի բաժնեմաս	ΔEP _b	13%	13%	13%	13%	13%	13%	13%	13%	13%	13%	13%	13%	13%	13%
6.	Բազիսային սակագնի ճշգրտման չնթափվող բաժնեմաս	ΔNAP _b	27%	27%	27%	27%	27%	27%	27%	27%	27%	27%	27%	27%	27%	27%
7.	Մեծածախ ջրամատակարարման բազիսային սակագին, դրամ/մ ³	T ^{web}	30.0	31.0	32.4	29.4	35.1064	35.4	34.0	34.427	30.4	27.4	25.6	24.6	23.0	21.6
8.	Մեծածախ ջրահեռացման բազիսային սակագին, դրամ/մ ³	T ^{wb}	15.0	15.5	16.2	14.7	17.5532	17.7	17.0	17.2135	15.2	13.7	12.8	12.3	11.5	10.8
9.	«Կարեն Դեմիրճյանի անվան Երևանի մետրոպոլիտեն» փակ բաժնետիրական ընկերության ստորգետնյա ջրերի հեռացման բազիսային սակագին, դրամ/մ ³	T ^{3wb}	9.0	9.0	9.0	9.0	9.0	9.0	9.0	9.0	9.0	9.0	9.0	9.0	9.0	9.0

1. Սույն աղյուսակի 7-րդ կետով ներկայացվող Մեծածախ ջրամատակարարման բազիսային սակագինը հավասար է 1-ին և 2-րդ կետերով ներկայացվող սակագների գումարի 20%-ին, իսկ 8-րդ կետով ներկայացվող Մեծածախ ջրահեռացման բազիսային սակագինը՝ 1-ին և 2-րդ կետերով ներկայացվող սակագների գումարի 10%-ին:»: